

Samichlaus, es isch chum zum glaube
dorum duenn ich mer erlaube
mech weder a d'Sprüchli zwage
das isch be mer begoscht kei frage

Das Johr isch dore gange wie de Blitz
me chönnt dänke, das isch doch en Witz
wie schnell doch immer die Zit vergoht
und scho hämmer wider de gröscht Salot

Au i dem Johr gits viel zum brichte
und dorum verzell i jetz es paar Gschichte
somit vergot de hötig Tag no schneller
und euses Gmüet wird hoffentli no heller

Traditionell vömmmer wider sportlich a
denn es hät hür menge Grund zum Fiire gha
au im letzte Winter hend eusi Skifahrer brilliert
und de Skizirkus förmlich dominiert

Trotzdem han I me erst chürzli entsetzt
euses beschte Ross im Stall het sich verletzt
für d'Lara isch Karriere wohl jetzt verbi
bi Schirenne isch d'Verletzigshehex halt immer debi

Im Schwimme isch eusi Nation voll debi
denn nebem Noé Ponti sind di andere ziemlich chli
a de Kurzbahn-WM in Budapest hets ge 3 x Gold
sogar zwei Weltrekord het er debi abgholt

A de Frauenfussball WM i de Schwiz
sind eusi Tschüttelerine gsi ganz schön Spitz
dorum sind si cho sogar in Viertelfinal
gäge Spanie hets leider gändet mit 0:2 fatal

Defür sind mer i de Liechtathletik immer besser
sogar a de WM ds Tokio isch eini gsi voll kesser
die Ditaji isch über d'Hürde gumpet wie de Blitz
und het souverän Gold gholt, es isch kei Witz

Sogar im Turne sind mer mittlerwile absolut top
de nächste Noé isch gsi absolut kei flop
im Mehrkampf het de Seiffert Bronze gonne
sit 75 Johr het da kei Schwizer me errunge

Mitte Mai hets in Basel ghä is Riesespektakel
wo für d'Schwiz isch fasch worde zum Debakel
eusi Zoe Me het noch de Hälfti fasch no gfürt
doch s'Publikumsvoting het für sie kei Finger grürt

I eusem Turnverein müemer chlineri Brötli bache
doch au do gots mengisch ganz gross zur Sache
denn das Eidgenössiche Turnfest in Lausanne
heut eusi Turner zoge megastark in Banne

Am Genfersee isch es gsi schön und vorallem heiss
dorum isch gflosse sogar vom Nüdtue de Schweiss
weg de Klimaerwärmung wird's leider al Johr heisser
sogar du Schmutzli denksch, das isch aber scheisser

Es wird Zit das mer das düend chere
dorum Samichlaus due dich beschwere
und zwar direkt im wiise Hus bim Trump
das isch doch eifach en grosse Lump

He says, we have no global warming
that's only an idea of lies in charming
and I say you America and I am the greatest
myself I say it's for the clima a disaster and
gives in the long term the rest

Gell Chlaus, met so Trottle chamer ned goutchiere
do muesch di eifach nomme cheniere
das settig i eusere Welt sogar düennd umeregieren

De Trump het mit eus usghandlet e neue Deal
Chlorhühner werdet importiert im grosse Stil
Das isch jetz aber en megagrosse Frust
denn demit wachst doch jedi Männerbrust

Zum Glück channi i wider erfreulichs brichte
au wenn das nid igot i d'Weltgschichte
denn im Herbst het ghürate mini Bettina
das isch Tochter wo jetz heisst Willima

Z'Wohle händ d'Wahle grossi Welle gworfe
das macht de Schmutzli beinah bsoffe
zum Glück isch de Spuk jetz wider verbi
und mini Wenigkeit isch au no debi

Gäll Samichlaus es isch chum zum glaube
und doch hets eus fasch de Schlaf lo raube
z'Ramiswil uf em Hof händs Horrorzustand atroffe
als Folg händ über hundert Hünd müesse ischloffe

Jetzt brecht I grad nomme emol vom ene Skandal
au de schint mer me dsi üsserst fatal
z'China chönisch schins Kindersexpuppe bstelle
über die müend sogar toti Hünd no kräftig belle

Samichlaus, hesch du öpe eno echli Gold
wenn ja, das isch för de en prächtige Sold
denn de Priis defür isch hür gewaltig ufe
ab dem Run defür chasch chum me schnufe

De neusti Trend sind Carolina-Reaper-Chili
die sind schärfer wie einst Milli-Vanilli
mit de Inahm flüsst in Ströme s'Augenwasser
noch em Motto, nimm 2, de wird's no krasser

Samichlaus, i chas chum glaube
und es tuet mer de Schlof no raube
mit de neuste KI chönnst der d'Identität chlaue
selbst em Schmutzli chonnt do s'Graue

Us Frankrich chömeds ine, sisch chum zum glaube
und düend eusi Garagiste cho usraube
debi chlauets Luxuschäre wie verrückt
Porsche, Ferrari, Lamborghini Stück um Stück
jetz Schmutzli muesch das Tribe stoppe
und d'Ruete schwinge gäge die Lumpe

Samichlaus due di absolut ned geniere

sondern für einisch heftig interveniere

Dealer mischet d'Szene mit Droge und Psychofarmaka

debi lidet nid nur d'Züri Junkies bald me wie in Amerika

Demit au anderi no chönd es Sprüchli chlopfe

muesch Samichlaus bald mis Mul zue stopfe

doch ich hoffe, d'Sprüchli händ der gfalle

und ich cha au no es Säckli kralle

Max Hüsser